



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 414
e – mail: info@voda.ba

Broj: **UP-I/25-3-40-282-5/21**

Datum: **14.09.2021. godine**

«Agencija za vodno područje rijeke Save» Sarajevo rješavajući po zahtjevu Investitora „KARAŠIN KOMERC“ d.o.o. Bugojno u postupku izdavanja vodne dozvole za ispuštanje tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada kompleksa za rezanje sirovih trupaca, sa pratećim objektima i sadržajima izgrađenog u naselju Čaušlije, općina Bugojno na osnovu člana 139. stav (1) tačka 3. i 10. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98 i 48/99), donosi:

RJEŠENJE **o vodnoj dozvoli**

1. Daje se vodna dozvola pravnom licu „KARAŠIN KOMERC“ d.o.o. Bugojno za ispuštanje tehnoloških otpadnih voda i aktivnosti koje mogu imati specifične uticaje na vode prilikom izvođenja aktivnosti na lokaciji izgrađenog postrojenja za rezanje i obradu sirovih trupaca, u naselju Čaušlije, općina Bugojno, na k.č. 279/22, p.l. 1080 K.O. Čaušlije, gruntovni podaci k.č. br. 395/3, zk. ul. br. 2671, K.O. Poriče, općina Bugojno.
2. Ova vodna dozvola se odnosi isključivo na aktivnosti i lokaciju definiranih tačkom 1. ovog rješenja i ne oslobađa podnosioca zahtjeva obaveze pribavljanja vodne dozvole za zahvaćanje vode i ispuštanje sanitarnih otpadnih voda, a za čije izdavanje je nadležno Ministarstvo za poljoprivredu, šumarstvo i vodoprivredu Kantona Središnja Bosna u skladu sa članom 139. stav 2. tačka 1. i 2. Zakona o vodama („Službene novine Federacije BiH“ broj 70/06).
3. Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja na predmetnom lokalitetu i utvrđenog činjeničnog stanja na objektu i pod slijedećim uvjetima:
 - 3.1 Da, za vrijeme trajanje ove dozvole, korisnik prilagodi stanje odvodnje oborinskih i tehnoloških voda kao i njihov tretman shodno izrađenoj dokumentaciji „Glavni projekt prikupljanja i tretmana tehnološke otpadne vode kao i oborinskih voda sa manipulativne površine“ izrađenoj od ovlaštenog poduzeća „EDI-ING“, d.o.o. D. Vakuf, šifra projekta 21/08KK/1 iz 8/2021.
 - 3.2 Da korisnik izgrađenih objekata i instalirane opreme koji se koriste za rezanje i sirovih trupaca kao i pogona za sušenje izrezane građe, održava u funkcionalnom stanju i koristi u skladu sa njihovom namjenom i uvjetima iz ove vodne dozvole.
 - 3.3 Da korisnik navedenih objekata za vrijeme trajanja ove dozvole, osigura da se otpadne vode iz postrojenja za rezanje sirovih trupaca kao i pogona za sušenje izrezane građe nesmetano sakupljaju i odvede do objekata predviđenih za tretman otpadnih voda-sustava taložnika i separatora ulja i masti s ispustom u upojni bunar. Ispuštena voda iz separatora masti i ulja mora biti sukladna Uredbi o uvjetima ispuštanja otpadnih voda u prirodne recipijente i sisteme javne kanalizacije («Sl. novine Federacije BiH», broj: 26/20 i 96/20).
 - 3.4 Ukoliko Vlada kantona propiše dodatne (strožije) uvjete za ispuštanje otpadnih voda u površinske vode, od uvjeta definisanih u tabeli 1 Priloga 27. Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste ispoštovati.
 - 3.5 Da se uspostavi i redovno vrši monitoring prečišćene otpadne vode iz okna za monitoring shodno članu 19. i 20. Uredbe o uslovima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostave Agenciji u skladu sa članom 23. iste Uredbe.

Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13 i 26/14).

- 3.6 Objekte čija je svrha odvođenje i prečišćavanje onečišćenih voda (taložnici, slivnici i rešetke, kanalizacijska mreža, taložnici i separator ulja i masti) treba redovno održavati i koristiti na način koji će osigurati njihovu potpunu ispravnost i funkcionalnost.
- 3.7 Čišćenje strojeva i opreme vršiti isključivo na betonskoj podlozi s izvedenim sustavom odvodnje prema taložnicima odnosno separatoru ulja i masti.
- 3.8 Da se sa opasnim i štetnim materijama postupa savjesno pri skladištenju, transportu i pretovaru kako ne bi došlo do štetnih posljedica po tlo i vode, uslijed prosipanja istih.
- 3.9 Otpad koji nastaje u postupku proizvodnje i drugi nusproizvodi, te mulj iz postrojenja za prečišćavanje otpadnih voda ne smije se odlagati na česticu «vodno dobro», odnosno u vodotoke i na njegove obale.
- 3.10 U cjelokupnom kompleksu koji se koristi za rezanje i obradu sirovih trupaca, zabranjuje se pretakanje nafte i naftnih derivata u bilo kom obliku i namjeni.
- 3.11 S ovlaštenim poduzećem sklopiti ugovor o održavanju, čišćenju i pražnjenju separatora masti i ulja i voditi evidenciju o istom.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, „KARAŠIN KOMERC“ d.o.o. Bugojno je dužan provoditi sve mjere i aktivnosti propisane istom.
6. U slučaju izvanrednih situacija, nekontroliranih onečišćenja i drugih sličnih okolnosti, čime bi bio ugrožen kvaliteta podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete trećim licima nadoknaditi.
7. Ukoliko uslijed šetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 129. stav (1) Zakona o vodama („Službene novine Federacije BiH“ broj 70/06) se daje **sa rokom važenja od jedne (1) godine** od dana pravosnažnosti rješenja iz razloga jer je u Izvještaju o monitoringu kvaliteta i kvantiteta otpadnih voda pogona „KARAŠIN KOMERC“ Bugojno br. 1250/21 iz 8/2021. god., naglašeno da parametri ispitane otpadne vode na mjernom mjestu E1 ne zadovoljavaju propisane granične vrijednosti.

O b r a z l o ž e n j e

Investitor, „KARAŠIN KOMERC“ d.o.o. Bugojno obratio se ovoj Agenciji sa zahtjevom za izdavanje vodne dozvole za ispuštanje tehnoloških otpadnih voda i aktivnosti koje mogu imati specifične uticaje na vode, a odnose se na rezanje i obradu sirovih trupaca na lokalitetu Čaušlije, općina Bugojno, izrađenom na k.č. 279/22, p.l. 1080 K.O. Čaušlije, gruntovni podaci k.č. br.395/3, zk.ul.br.2671, K.O. Poriče, općina Bugojno.

Uz zahtjev je dostavljena slijedeća dokumentacija:

- Rješenje o registraciji, broj: 051-0-Reg-16-000614 od 11.11.2016. godine. izdana od općinskog suda u Travniku;

- Ovjerenu kopiju uvjerenja o poreznoj registraciji izdato od strane Kantonalnog poreznog ureda Novi Travnik od 07.12.2016. godine;
- Ovjerenu kopiju uvjerenja o registraciji/upisu u Jedinstveni registar obveznika neizravnih poreza, broj 04/1-UPJR/1-4375-2/13 od 12.07.2013. godine;
- Rješenje o upotrebnoj dozvoli broj: 05-23-00221-13, broj akta 535EM-004 od 26.03.2013., izdana od strane Službe za urbanizam, građenje, geodetsko-katastarske i imovinsko pravne poslove, općine Bugojno;
- Rješenje o Vodnoj dozvoli br. 05-25-648/18 od 12.11.2018. izdana od Ministarstva poljoprivrede, vodoprivrede i šumarstva Kantona Središnja Bosna;
- Okolišna dozvola br. 06-23-48/19 od 22.10.2019., izdana od Ministarstva prostornog uređenja, građenja, zaštite okoliša, povratka i stambenih poslova Kantona Središnja Bosna;
- Glavni projekt izrađen od poduzeća „ŠIRBEGOVIĆ“ d.o.o. Gračanica iz 2012 godine;
- „Glavni projekt prikupljanja i tretmana tehnološke otpadne vode kao i oborinskih voda sa manipulativne površine“ izrađen od ovlaštenog poduzeća „EDI-ING,, d.o.o. D.Vakuf, šifra projekta 21/08KK/1 iz 8/2021;
- Rješenje za odobrenju obavljanja djelatnosti rezanja drveta br. 03-18-960/13 od 07.06.2013. godine, Izdat od Ministarstva privrede KSB;
- Ugovor o pružanju usluga čišćenja i odvoza otpadnih voda iz septičke jame sklopljen s JKP „Vodovod i Kanalizacija“ d.o.o. Bugojno od 16.8.2021. godine;
- Izvještaj o monitoringu kvaliteta i kvantiteta otpadnih voda pogona „KARAŠIN KOMERC“ Bugojno br. 1250/21 iz 8/2021. god., izrađen od „Inspekt RGH“ d.o.o. Sarajevo;
- Rješenje o Vodnoj dozvoli br. UP-I-25-3-40-361-4/15 od 07.10.2015. god., izdato od AVP Sava;
- Kopija uplatnice o plaćenju upravnoj pristojbi;
- Uplatnice po Zaključku o posebnim troškovima.

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata („Službene novine Federacije BiH“, broj 31/15, 55/19 i 41/20), izvršen je uviđaj na terenu i tom prilikom sačinjen Zapisnik broj: UP-I/25-3-40-282-4/21 od 07.09.2021. godine.

Na osnovu uvida u dostavljenu dokumentaciju i izvršenog uviđaja na licu mjesta utvrđeno je sljedeće:

Pogon za rezanje i obradu sirove građe kao i postrojenje za sušenje sirove građe izgrađeno je na zemljištu označenom kao k.č. 279/22, p.l. 1080 K.O. Čaušlije, gruntovni podaci k.č. br. 395/3, zk.ul.br. 2671, K.O. Poriče, općina Bugojno.

Prosječna godišnja prerada je oko 15000 m³ trupaca. Krajnji proizvod je rezana građa i jednim dijelom osušena građa.

Kompleks se sastoji od sljedećih objekata: Objekat u kome se obavlja rezanje drvene građe (montažnog, poluzatvorenog tipa) u istom prostoru nalazi se i objekat za sušenje sirove, drvene građe i upravna zgrada. Na lokaciji predmetnog kompleksa nastaju tehnološke otpadne vode uslijed povremenog pranja trupaca i iz tehnološkog postupka obrade drveta.

Sav otpad, nastao rezanjem sirove, drvene građe, koristi se kao energent u procesu sušenja kao i za dalju prodaju.

Fekalne i sanitarne otpadne vode, se upuštaju u trokomornu septičku jamu koju čisti i održava JKP iz Bugojna.

Vodoopskrba poduzeća je s gradskog vodovoda .

Za cijeli kompleks izrađena je tehnička dokumentacija od strane „ŠIRBEGOVIĆ“ d.o.o. Gračanica iz 2012. god., koji je vraćen Investitoru tijekom uviđaja a za tretman otpadnih voda izrađen je „Glavni projekt prikupljanja i tretmana tehnološke otpadne vode kao i oborinskih voda sa manipulativne površine“ od ovlaštenog poduzeća „EDI-ING,, d.o.o. D. Vakuf, šifra projekta 21/08KK/1 iz 8/2021.

Na predmetnom lokalitetu nije planirano skladištenje nafte i naftnih derivata a na manipulativnim površinama nisu primijećene mrlje od nafte i naftnih derivata.

Svi objekti koji se koriste u proizvodnji kao i sam lokalitet ne nalaze se u vodnom dobru.

Izvještajem o monitoringu kvaliteta i kvantiteta otpadnih voda pogona „KARAŠIN KOMERC“ Bugojno br. 1250/21 iz 8/2021.god., izrađen od „Inspekt RGH“ d.o.o. Sarajevo, utvrđeno je da parametri ispitane otpadne vode na mjernom mjestu E1 ne zadovoljavaju propisane granične vrijednosti i iz tog razloga se Vodna dozvola daje na godinu dana.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, podnosiocu zahtjeva su ovim vodnim aktom, u točki 3. dispozitiva rješenja, shodno odredbama člana 116. Zakona o vodama, članova 12. i 13. Pravilnika o sadržaju, obliku, uvjetima i načinu izdavanja i čuvanja vodnih akata («Službene novine Federacije BiH» broj 31/15, 55/19 i 41/20) i Uredbe o uslovima ispuštanja otpadnih voda u okoliš i sisteme javne kanalizacije propisani uvjeti kojih se korisnik pogona ima pridržavati.

Točkom 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11 i 88/12) i Odlukom o visini posebnih vodnih naknada («Službene novine Federacije BiH», broj 46/07).

Na osnovu provedenog postupka i utvrđenog činjeničnog stanja, doneseno je rješenje kao u dispozitivu.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 06/98, 8/00, 45/10 i 45/13)

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja.

Žalba se predaje ovom organu neposredno ili preporučenom poštom. Žalba se taksira sa 15,00 KM administrativne takse.

Obradivač akta:

Marko Barić, dipl.inž.građ.

29 – Po ovlaštenju
Rukovodilac sektora za izdavanje
vodnih akata



Haris Ališehović, dipl.inž.građ.

Dostaviti:

- „KARAŠIN KOMERC“ d.o.o. Bugojno, Čaušlije bb, općina Bugojno
- ⊙ AVP Sava, ISV-vodna knjiga
- Sektor 50
- Sektor 40, arhiva
- Oglasna ploča-AVP Sava